

四庫全書

子部

欽定四庫全書

子部

玉海卷一百六十三

詳校官中書臣張經田

主事臣祁韻士覆勘

總校官進士臣朱鈴

校對官編修臣盧遂

膳錄監生臣閻崇禮

欽定四庫全書

玉海卷一百六十三

宋 王應麟 撰

宮室

閣

黃帝阿閣

鳳巢阿閣見中候通歷 韓詩外傳黃帝時鳳皇止阿閣 隋律志毛爽云黃帝聽鳳阿閣之下始造十二律

黃帝扈閣

春秋正義說公羊者云云春秋緯云黃帝坐於扈閣鳳  
皇銜書致帝前其中得五始之文 河圖錄運法云黃  
帝坐元扈樓上與大司馬容光臨觀鳳皇之至

堯阿閣

荀子注 見鳳皇類

漢石渠閣

詳見經  
解類

宣紀甘露三年三月詔諸儒講五經同異太子太傅蕭

望之等平奏其議上親稱制臨決焉乃立梁丘易大小

夏侯尚書

夏侯勝從兄子建

穀梁春秋博士

韋元成傳甘露

中拜淮陽中尉受詔與太子太傅蕭望之及五經諸儒

雜論同異於石渠閣條奏其對上親制臨決注師古曰

石渠閣在未央大殿北藏秘書

漢承明在石渠閣外為著作庭石渠在未央殿

北為祕府居近君之地所以親儒生

嚴助傳張晏注

承明廬在石渠門外漢舊儀御史員四十五人其十

五人為侍御史宿廬在石渠門外劉向傳會立穀梁春秋召更生受

穀梁講論五經於石渠

儒林傳施讎受田王孫易為

博士甘露中與五經諸儒雜論同異於石渠閣 梁丘

賀子臨傳賀學入說為黃門郎甘露中奏使問諸儒於

石渠臨學精熟 歐陽地餘治書為博士論石渠 林

尊授尚書歐陽氏學為博士論石渠 周堪與孔霸俱

事夏侯勝論於石渠經為最高 張山拊事小夏侯為

博士論石渠假倉以小夏侯學為謁者論石渠 張生

一本張  
長安

薛廣德以魯詩為博士論石渠 戴聖號小戴

以博士論石渠

隋志戴聖石渠禮論四卷

聞人通漢以太子舍人論

石渠

並守禮樂

易施讎梁丘臨書歐陽地餘林尊周堪孔

霸張山拊假倉詩張生薛廣德韋元成禮韋元成戴聖

聞人通漢春秋劉更生尹更始黃圖石渠閣蕭何造

其下礮石為渠以導水若今御溝因為閣名所藏入關

所得秦之圖籍又成帝於此藏秘書焉藝文志書議

奏四十二篇禮議奏三十八篇春秋議奏三十九篇論

語議奏十八篇五經雜議十八篇

石渠論共百五十五篇

古文

苑揚雄書雄為郎之歲自奏心好沈博絕麗之文有詔

令尚書賜筆墨錢六萬得觀書於石渠 後蔡邕傳孝

宣會諸儒於石渠章帝集學士於白虎通經釋義其事

優大 翟酺傳宣帝論經石渠學士滋盛弟子萬數

唐藝文志漢興學校復創石渠雄向校讎於前馬鄭論

次於後 西都賦天祿石渠典籍之府命夫敦誨故老

名儒師傅講論乎六藝稽合乎同異

序曰武宣崇禮官  
考文章內設金馬

石渠

西京賦天祿石渠校文之處 反遂初賦葛考天

文於蘭閣覽羣言於石渠 郊祀志光武紀注引漢宮



閣疏

漢天祿閣

漢書天祿石渠注師古曰三輔故事曰天祿石渠並在未央大殿北以藏秘書漢宮閣疏天祿麒麟蕭何造以藏秘書處賢才

選注同

西都賦天祿石渠典籍之府

西京賦天祿石渠校文之處 東京賦內有天祿宣明

殿名

拾遺記劉向成帝末校書天祿閣專精覃思夜有

老人著黃衣植青藜杖扣閣進見向暗中獨坐誦書老

父乃吹杖端烟因授向五行洪範之文恐詞說繁廣忘之乃裂裳及袖以記其言至曉而去請問姓名云我是太一之精天帝聞卯金之子有博學者下而觀焉乃出懷中竹牒有天文地理之書曰余畧授子焉

黃圖藏典籍之所

揚雄傳校書天祿閣上靈帝紀中平三年二月修

玉堂殿鑄黃鍾四及天祿蝦蟆注天祿獸也天祿蝦蟆

吐水於平門外今鄧州南陽縣北有宗資碑旁有兩石

獸鑄其膊

州輔墓石獸膊字亦同

一曰天祿一曰辟邪據此則並

獸名也漢有天祿閣亦因獸立名 隋經籍志哀帝命  
向子歆嗣父之業乃徙溫室中書于天祿閣上歆遂總  
羣篇撮指要著七畧大凡三萬三千九十卷

漢麒麟閣

蘇武傳宣帝甘露三年二月單于始入朝上思股肱之

美圖畫其人於麒麟閣

蕭何造 漢宮殿疏 天祿麒麟閣蕭何造以藏秘書畫賢臣

法其形貌書其官爵姓名唯霍光不名曰大司馬大將  
軍博陸侯姓霍氏次曰衛將軍富平侯張安世次曰車

騎將軍龍雒侯韓增次曰後將軍營平侯趙充國次曰丞相高平侯魏相次曰丞相博陽侯丙吉次曰御史大夫建平侯杜延年次曰宗正陽城侯劉德次曰少府梁丘賀次曰太子太傅蕭望之次曰典屬國蘇武皆有功德知名當世是以表而揚之明著中興輔佐列於方叔召虎仲山甫焉凡十一人皆自有傳自丞相黃霸廷尉于定國大司農朱邑京兆尹張敞右扶風尹翁歸及儒者夏侯勝等皆以善終著名宣帝之世然不得列於名

臣之圖以此知其選矣注張晏曰武帝時獲麒麟時作  
閣圖畫其像於閣以為名師古曰漢宮閣疏名蕭何造  
見天祿閣黃圖廟記亦云蕭何造按翼奉傳文帝  
時未有麒麟閣非蕭何造張晏曰武帝獲麟作此閣  
師古引漢疏曰蕭何造然麒麟必先有殿而後以閣附  
之翼奉曰孝文時未有麒麟武臺等殿安得謂為蕭何  
所造也趙充國以功德與霍光等列畫未央宮成帝  
時西羌嘗有警上思將帥之臣追美充國乃召黃門侍  
郎揚雄即充國畫頌之

六典注麒麟閣亦藏書

漢白虎閣堯閣

三輔黃圖未央宮有白虎閣屬車閣三秦記曰未央

宮有堯閣

漢延閣

藝文志孝武建藏書之策置寫書之官注如淳曰劉歆  
七畧曰外則有太常太史博士之職內則有延閣

延長也

廣內秘室之府

隋志同

漢飛閣

西都賦輦路經營修塗飛閣自未央而連桂宮北彌明  
光而亘長樂 東京賦飛閣神行 上林賦高廊四注

重坐曲閣

閣之屈曲相連者

漢西閣

楊惲傳觀西閣上畫人指桀紂畫謂樂昌侯王武曰天子過此一二問其過可以得師矣

畫人有堯舜禹湯不稱而舉桀紂

漢雲閣

甘泉賦乘雲閣而上下注高連雲也 西京賦長廊廣

廡途閣雲蔓注閣道如雲氣連蔓 東京賦秦結雲閣

冠南山注三輔故事秦二世起雲閣欲與山齊 漢宮

閣疏凌雲閣秦二世造黃圖雲閣

高如雲故言雲

梁有重

雲閣

馬援傳馬嚴顯宗時拜將軍長史將北軍

五校士羽林禁兵三千人屯西河美稷

縣名

衛護南

單于聽置司馬從事牧守謁敬同之將軍敕嚴過武庫祭蚩尤帝親御阿閣觀其士衆時人榮之

文選注周書曰明堂咸有四阿然則閣有四阿謂之阿閣周禮注四阿若今四注屋古詩阿閣三重階



漢仁壽閣

在南宮 馬嚴傳永平十五年居洛陽顯宗召見進對

閑雅有詔留仁壽閣

一作閣

與校書郎杜撫班固雜定建

武注記

隋志明章重儒術四方鉅儒鴻生負裘自遠

而至者不可勝筭石室蘭臺彌以充積於東觀及仁壽

閣集新書校書班固傳毅等典掌焉並依七畧為書部

固又編為漢藝文志

漢東觀藏書閣

班昭傳 班固著漢書其八表及天文志未竟和帝詔昭就東觀書閣踵而成之

晉三閣 魏三閣 晉秘書閣

隋經籍志魏氏采掇遺亡藏在秘書中外三閣

隋寫正副二本

藏于宮中其餘以實秘書外閣

魏畧薛夏云秘書為內閣

鄭默傳

拜秘書郎中掌中外三閣刪省繁文除其浮穢始制中經文選陸機表云身登三閣注謂秘書郎掌內外三閣經書也晉令曰秘書郎掌三閣經書荀崧傳武帝

崇儒西閣東序河圖秘書 夏侯湛傳充三臺之寺盈  
中書之閣南齊百官志晉秘書閣有令史掌衆書見晉  
令魏王基傳君為秘書郎王朗曰留秘閣之吏 唐六  
典秘書省中外三閣掌典圖書古今文字皆在禁中兩  
漢或徙金馬門外歷代不常其處注晉惠帝永平元年  
詔別置秘書寺掌中外三朝圖書 穆天子傳以二尺  
黃紙寫上請付秘書藏之中經副在三閣

晉秘閣

南史徐廣傳晉孝武帝以廣博學除為秘書郎校書秘

閣李克傳為大著作郎分四部甚有條貫秘閣以為永

制

陸機補著作遊乎秘閣藏榮緒為晉書  
百一十卷齊建元中褚淵述其美置秘閣

文選陸

士衡詩升降秘閣注即尚書省也陸士衡詩又曰絜身

躋秘閣注秘書省亦為秘閣續晉陽秋孝武帝好覽

文藝敕著作郎徐廣料秘閣四部見書凡三萬六千卷

宋謝靈運為秘書監整秘閣遺闕梁秘書丞殷鈞

校定秘閣四部書更為目錄元魏高謐除秘書郎專

典秘閣繕寫圖籍 梁江子一求觀書秘閣劉孝標典校秘閣 隋志後魏綴述國史諸國記注盡集秘閣

梁石渠閣

文選注劉峻自序曰梁天監中詔峻東掌石渠閣

東魏麟趾閣

北史封隆之參議麟趾閣新制

見律令在鄴都

興和三年

詔羣臣於麟趾閣議定法制謂之麟趾格冬十月甲寅

頒行

唐凌烟閣

功臣

圖功

聖歷侍

故事

臣圖贊

在西內太極宮三清殿側閣有中隔內外畫為翔鳳相對通鑑貞觀四年正月李靖驍騎三千進屯惡陽嶺夜襲定襄破突厥頡利可汗不意靖猝至大驚又為破於陰山先是上遣鴻臚卿唐儉等慰撫之李靖與李世勣謀選精騎一萬齎二十日糧往襲以其謀告張公謹公謹曰詔書已許其降使者在彼奈何靖曰韓信所以破齊也唐儉輩何足惜遂勒兵夜發虜衆遂潰唐儉脫

身得歸靖斬首萬餘級俘男女十餘萬斥地自陰山北  
至大漠露布以聞頡利至長安夏四月戊戌上御順天  
樓引見上皇聞擒頡利曰漢高祖困白登而不能報今  
我子能滅哭厥付託得人何憂上皇召上與貴臣十餘  
人及諸王妃主置酒凌烟閣酒酣上自彈琵琶起舞公  
卿迭起為壽逮夜而罷 太宗紀貞觀十七年二月戊  
申會要二圖功臣于凌煙閣 韋述兩京記太極宮中  
十八日

有凌烟閣在凝陰殿內功臣閣在凌煙閣南頡利既平

置酒于此 秦瓊傳十七年詔司徒趙國公長孫無忌

司空河間王孝恭司空萊國公杜如晦司徒太子太傅

鄭國公魏徵

本傳徵亡帝思不已登閣觀畫像賦詩痛悼

司空梁國公房玄

齡開府儀同三司鄂國公尉遲敬德特進衛國公李靖

會要不載李靖

特進宋國公蕭瑀輔國大將軍褒國公段志玄

輔國大將軍燕

傳作慶恐傳誤字

國公劉弘基尚書左僕射蔣

國公屈突通陝東道行臺右僕射鄖國公殷開山荊州

都督譙國公許紹

會要曰襄公紹此乃柴紹會要誤也

荊州都督邳國公



長孫順德洛州都督鄖國公張亮吏部尚書陳國公侯

君集左驍騎將軍郾國公張公謹左領軍大將軍盧國

公程知節禮部尚書永興郡公虞世南戶部侍郎尚書

渝國公劉政會戶部尚書莒國公唐儉兵部尚書英國

公李勣

本傳太宗時勣已畫像凌烟閣永徽元年高宗復命圖其形自序之

并徐州都督

胡國公秦瓊二十三人

傳無高士廉

圖形凌煙閣

呂溫頌之

高宗

永徽六年遣使致祭名臣圖形凌烟閣者凡七人徵士

廉瑀志玄弘基世南叔寶皆終始著名者也

傳無高士廉只有二

十三人呂溫贊并高申公士廉二十四人會要於傳內  
無李靖只有二十一人名與史同而云等二十四人

象二十四  
氣之佐天

會要十七年二月二十八日詔曰自古皇

王褒崇勲德既勒名于鍾鼎又圖形于丹青是以甘露

良佐麟閣著其美建武功臣雲臺紀其跡無忌等二十

四人宜酌故實並圖畫凌煙閣庶念功之懷無謝於前

載旌賢之義永貽於後昆 代宗紀廣德元年七月壬

子給功臣鐵券藏名於太廟圖形於凌煙閣 代宗平河

為兵馬元帥與功臣郭子儀李光弼等皆賜鐵券圖  
形於凌煙閣 廣德初又圖大寧郡王僕固懷恩

李晟傳貞元三年拜太尉明年與馬燧見延英帝嘉其  
勲下詔曰昔我烈祖乘乾坤滌蕩掃隋季荒第體元御  
極作人父母則有熊羆之士不二心之臣左右經綸參  
翊締構昭文德恢武功威不若康不又用端命于上帝  
付畀四方王業既成太階既平乃圖厥容于凌烟閣懋  
昭績效表式儀形以弗忘朝夕永垂乎來裔君臣之義  
厚莫重焉歲在己巳秋九月我行西宮瞻望崇構見老  
臣遺像颯然肅然和敬在色想雲龍之協期感致業之

艱難覩往思今取類非遠且功與時並才與世生苟蘊  
其才遇其時尊主庇人何代蔑有在中宗時則有如桓  
彥範等著輔戴之績在玄宗時則有如劉幽求等申弼  
翼之勲在肅宗時有如郭子儀掃除氛祲今顧晟等保  
寧朕躬咸宣力肆勤光復宗祏訂之前烈夫豈多謝闕  
而不錄孰旌厥賢況念功紀德文祖所為也在予其曷  
敢忘有司宜叙先後圖其像於舊臣之次命皇太子書  
其文

一云書  
于壁

以賜晟晟刻石于門左

會要德宗貞元五  
年九月李晟馬燧

見延英上嘉其勲詔史官攷其功績第其前後  
以褚遂良蘇定方郝處俊等二十七人充之

忠義

傳宣宗大中二年七月己巳詔求李峴王珪戴胄馬周  
褚遂良韓瑗郝處俊婁師德王及善朱敬則魏知古陸  
象先張九齡裴寂劉文靜張柬之袁恕己崔元暉桓彥  
範劉幽求郭元振房瑄袁履謙李嗣業張巡許遠盧奕  
南霁雲蕭華張鎬李勉張鎰蕭復柳渾賈耽馬燧李愬  
三十七人畫像續圖凌烟閣云

會要只有三十六人而  
曰三十七人有岑文本

而無褚遂  
良袁恕己

李絳傳大中初詔史官差第元和將相續

圖凌烟閣絳在焉

獨留中

蔣乂傳德宗嘗登閣視左壁

顏剝題文漫缺行纔數字錄以問宰相無能知者遽召

蔣乂至荅曰此聖歷中侍臣圖贊帝前口以誦補不失

一字 藝文志太宗凌烟閣功臣讚一卷令狐德棻凌

烟閣功臣故事四卷

曹元廣畫凌烟圖

呂溫有贊二十二首

五代會要閣在西內三清殿側畫像皆北向閣有隔

隔內北面寫功高宰輔南面寫功高諸侯王隔外次第

圖畫功臣題贊

後唐應順元年閏正月甲寅集賢院奏修凌烟閣

南部新書

畫功臣皆北面設三隔內一層畫功高宰輔外一層寫功  
高侯王又外一層次第功臣閣在凝陰殿西太宗贊閣  
立本畫褚遂良題北天二十四氣 金石錄載河間元王段  
志玄碑並云圖形戢武閣意凌烟先名戢武後改之爾

實錄有  
戢武殿

無忌玄齡如晦徵瑀輔其政靖勣瓊亮君集孝

恭通敬德制其兵公謹士廉世南儉陪其議弘基政會

開山志玄參佐命之勲紹知節順德擅冠軍之勇

呂溫贊  
削君集

亮以孝  
恭為首

李庾西都賦房魏作弼英鄂執律戎衣既稅

瑞氣洋溢立閣圖形榮號凌烟指河帶以山礪書天子之  
搢紳 杜甫丹青引贈曹霸云開元之中常引見承恩數  
上南薰殿凌烟功臣少顏色將軍下筆開生面良相頭上進  
賢冠猛將腰間大羽箭褒公鄂公毛髮動英姿颯爽來酣戰

唐秘書閣

百官志龍朔二年改太史局曰秘書閣局令曰秘書閣  
郎中乾元曰司天臺置通元院

唐翔鸞閣 棲鳳閣



會要上元元年九月

甲寅

御翔鸞閣觀酺

會要又云御含元殿東翔鸞閣大酺

時赤縣與太常音樂分東西朋帝詔雍王賢主東周王顯

主西因以角勝却處俊諫乃止至德三年正月

庚寅

御翔鸞

閣習武

監察御史職知朝堂正門無籍非因奏事不得

入至殿庭在栖鳳閣南望殿中侍御史已上從觀象門出

若從天降

唐六典大明宮中丹鳳門內正殿曰含元殿

夾殿兩閣左曰翔鸞右曰棲鳳閣下即朝堂階石登聞鼓

李華含元殿賦左翔鸞而右棲鳳翹兩闕而為翼

唐景雲閣

實錄乾封元年封泰山四月甲辰至京師御景雲閣

一作

閣宴羣臣設九樂賜贈綵上元元年九月辛亥御麟德殿之景雲閣以宴羣臣

唐鳳閣

百官志光宅元年改中書為鳳閣令為內史 藝文志

別集類樂朋龜綸閣集十卷薛延珪鳳閣書詞十卷

唐昭慈閣

許景先傳神龍初東都造昭慈閣景先獻賦李迥秀見  
其文畏歎曰是宜付太史擢右拾遺

唐清輝閣

文苑英華李嶠人日清輝閣宴羣臣應制詩云會要  
神龍二年置聖善報慈之閣述聖賦踐太微之崇閣  
闕閭闔之天局

唐凝暉閣

見渾儀在太極宮

唐朝元閣 降聖閣

席豫傳天寶初玄宗嘗登朝元閣賦詩近臣屬和帝以  
豫詩最工詔曰詩人冠冕也

在華清宮有  
事老子處

舊史玄宗

幸溫泉宮登朝元閣賦詩 會要天寶七載十二月二

日

舊紀  
戊戌

玄宗皇帝降于朝元閣改為降聖閣

實錄天

寶十載十月乙丑御朝元閣有慶雲見上賦詩羣臣畢

和

聞見記

封  
演

玄宗幸驪山登朝元閣命羣臣賦詩正

字劉飛詩最清拔特蒙激賞 錢起朝元閣賦吞貝闕

壓崑閣襟懷動植指掌寰瀛 孫翊仁賦神之本以朝  
為大乾之德以元為高 郭遵初日見朝元閣賦云云

權德輿朝元閣詩云繚垣復道上層霄十月離宮萬國朝

貞觀二年八月乙未

舊紀  
癸巳

公卿奏宮中卑濕請營一閣

帝曰漢文帝將起露臺而惜十家之產朕德不逮而所  
費過之豈為民父母之道固請至三不許

### 唐秘閣

李邕傳見李嶠願一見秘書嶠曰秘閣萬卷豈時日能

習乃假直秘書未幾試問奧篇隱帙了辯如響 劉  
子玄議秘閣有梁武帝南郊圖 春秋正義太史之  
官職掌書籍必有藏書之處若今之秘閣也 會要貞  
觀十七年上實錄編之秘閣 舊史李善注文選詔藏  
于秘閣顏師古正俗八卷詔付秘書閣

唐瑞閣

地理志上黨有啓聖宮玄宗故第開元十一年置本飛  
龍後更名有瑞閣 代宗大曆八年四月壬申潞州上

言玄宗啓聖瑞閣有白鶴來翔

唐蓬萊殿書閣

李泌傳代宗立召泌至舍蓬萊殿書閣時泌隱衡山

張文瓘傳高宗時造蓬萊上陽合璧等宮代宗朝段秀  
實對蓬萊殿問所以安邊者文宗觀書蓬萊殿問許康  
佐李訓春秋之義

唐禮閣

又見禮閣新儀

舊唐書傳王彥威元和中補太常檢討官於禮閣掇拾

自隋已來朝廷沿革吉凶五禮以類區分成三十卷獻

之號曰元和新禮授太常博士裴瑾撰二陵集禮藏

之南閣

序云藏于太常書閣

端拱秘閣

藏書閣

淳化閱秘閣圖籍

淳

化秘閣贊

飛白秘閣

端拱元年五月辛酉詔置秘閣於崇文院取四庫書四萬

卷藏之

長編以三館書實其中

以吏部侍郎李至兼秘書監宋泌兼直

秘閣杜鎬兼校理

會要端拱元年詔就崇文院中堂建秘閣擇三館真本書籍萬餘卷及內出古畫墨



跡藏其中命李至兼秘書監總之天文占候藏緯  
方技書五千十二卷古畫墨跡百十四軸悉藏閣上  
六月以夏

候嘉正兼直秘閣八月以裴愈監秘閣圖書按六典秘書

省中外三閣掌書籍古今文字皆在禁中兩漢或徙金馬門  
外歷代不常厥處唐季亂離百王之書蕩然散失蘭臺延閣  
空存名號上崇尚儒術屢下詔求羣書四方文籍往往而出  
未數年間充牣書府至是乃於史館建秘閣仍選三館書萬  
卷以實其中故以至主之淳化元年七月丁酉以御製詩  
文四十一卷藏於秘閣八月癸卯朔秘書監李至僕射李昉

吏書宋琪左散騎常侍徐鉉及翰學諸曹侍郎給事諫議舍人等詣秘閣觀書帝知之即詔寵賜御筵出書籍令縱觀二日甲辰又召御史中丞王化基及三館學士縱觀並賜宴秘閣先是遣賜諸道求募古書奇畫及先賢墨跡小則償以金帛大則授以官數年之間獻圖書於闕下不可勝計諸道又募得者數倍復詔史館盡取天文占候讖緯方術等書五千一百一十二卷并內出古畫墨跡一百十四軸悉藏秘閣圖籍之盛近代所無也是月癸亥至等上言曰伏以王者

藏書之府自漢置未央宮則有麒麟天祿命劉向揚雄典校謂之中書即內庫書也後漢藏之東觀亦在禁中漢末置秘書監掌禁中圖書秘記謂之秘書及魏文帝分秘書為中書而秘書監者掌藝文圖籍之事晉宋因之宋謝靈運補秘閣之遺逸齊末秘閣經籍遺散梁江子一請秘閣觀書至隋煬帝時寫秘閣之書分為三品於觀文殿東西廊貯之則秘閣之設其來久矣及唐開元間年五亦於乾元殿東廊繕寫四庫書以充內庫命褚無量馬懷素總之至十三年置集賢書院

雖沿革不常而秘閣之書皆置於內也自唐室陵夷斯道幾廢陛下復興秘閣以藏奇書總羣經之博要資乙夜之觀覽況睿藻宸翰盈溢編帙則其興秘非復與羣司為比伏乞特降明詔令與三館並列至於高下之次先後之稱亦乞著為定式詔秘閣宜次三館其秘書省依舊屬百司

初但有直史館至是新置

有直昭文館直集賢院備三館之職

淳化二年五月甲寅詔增修秘閣先是度

崇文院之中堂為秘閣址而層宇未立書籍止局偏廳廡內至是始命修之八月壬戌朔閣成上作新秘閣贊以賜近臣

宰相李昉等請立石閣下李至上表引蘇易簡乞上飛白書  
玉堂之署為比願賜新額以光祕府戊辰詔近臣觀新祕書  
賜上尊酒大官供膳遣中使賁飛白書祕閣二字以賜李  
至三館咸預焉又賜御詩以美其事

沈存中云館內壯麗  
中都下人謂之木天

丁丑李至上表乞以御製祕閣贊刻石詔其贊并序朕兼  
為親書并篆額以旌祕省九月己未上幸祕閣閱羣書久  
之飲從臣酒三行三館學士咸預還官召傅潛戴興恣觀  
羣書欲其知文儒之盛也十月以御草書千字文付祕閣癸

西以御書秘閣贊并李至表及荅詔石本賜近臣四年畫天下

圖藏于閣五年六月以御草書五軸藏之至道元年正月直秘閣

朱昂等言已立秘閣贊碑請附名李至下

興國二年以先賢墨跡淳化以新集法帖

至道以飛白四十軸藏秘閣

咸平二年六月詔童子邵煥於秘閣讀書五

年七月幸秘閣閱羣書

咸平中就閣修太祖國史五年奉安太宗文集

景德四年

五月己亥幸館閣周覽圖籍以秘閣地陝分內藏西庫以

廣之祥符九年九月以秘書監楊億判秘閣國初書止萬

二千卷秘閣之建圖籍大備至仁宗時三萬六千二百卷

熙寧四年十月二十九日判秘閣宋敏求言三館秘閣四部  
書多訛舛請校讎自前漢始事寢元祐元年四月十四日詔  
蘭臺延閣位序多闕命大臣各舉三人二年六月以昭文館  
黃本書分藏秘閣三年九月復試賢良于閣下四年四月二  
十四日太師彥博與宰輔至秘閣觀書宴儒士徽宗即位  
二年重修秘閣崇寧元年成崇寧二年五月秘閣書裝褫  
共二千八十二部

淳化望仙閣

元年十一月庚辰朗州言准詔修桃源觀五百仙人閣  
成賜名望仙閣 內中有恭天崇道閣奉三清諸聖

咸平龍圖閣

六閣

太宗

祥符初建龍圖閣以藏太宗御書

太宗以武定并汾以文致太平聖謨寶訓與河圖洛書相

表裏太祖英

宗無集不為閣

景德二年四月戊戌上幸龍圖閣近臣畢

從庚子御製龍圖閣贊賜近臣閣在含光殿西偏北連禁

中

閣初建無歲月咸平四年十一月丁亥始御是閣見于國史

東曰資政殿西曰述古

殿閣上藏太宗御製御書并文集總五千一百一十五



卷軸冊又有御書素扇數十其下列六閣曰經典閣總三千

三百四十一卷史傳閣總七千三百五十八卷子書閣

一作二

總八千四百八十九卷文集閣總七千一百八卷天文閣總

二千五百六十一卷圖書閣總七百一軸卷冊

圖書閣一本作瑞物閣奇

瑞二十三瑞木十六衆瑞一百一十三雜寶一百九十五又古賢墨跡二百六十六卷

按會要大中祥

符所造以奉太宗御書然自咸平四年十一月丁亥已嘗御

是閣

編年咸平五年七月幸秘閣閱四庫書

召近臣觀御書及古今圖書自

後嘗召近臣觀書更當攷究按編年錄景德元年十月

已酉龍圖閣成以戚綸杜鎬兼待制 咸平四年十一月二十  
日丁亥五年十月十七日己卯祥符三年正月戊寅八月甲  
寅九年十一月二十三日天禧四年十一月十一日皆召近  
臣宗室觀書上嘗謂輔臣曰朕退朝之暇無所用心聚此羣  
書以自娛耳 咸平五年十月十七日觀書曲宴閣之四  
壁設五經圖藏太宗書帖三千七百五十卷十二月上以龍圖  
閣及後苑所藏書籍尚多舛誤欲加讎校於是擇劉筠<sub>子儀</sub>等  
七人給本官俸太官供膳就崇文院校之踰年而畢景德

四年八月丁巳以杜鎬為直學士祥符三年七月己亥以鎬

為學士陳彭年直學士

九年十月壬辰置直閣

十一月壬辰召向敏中等

對命坐令陳從易劉子儀等賦瑞雪歌祀汾陰詩真宗嘗  
語近臣曰三館秘閣所藏外又於後苑及龍圖閣並留正  
本各及三萬餘卷 慶厯八年三月甲寅幸龍圖閣天章  
閣召輔臣侍臣宗室觀太宗游藝集三朝瑞物真宗幸澶  
州詩碑因出手詔訪得失羣臣歸而上之嘉祐七年十一  
月又幸觀三聖御書

咸平秘閣直廬

初興國八年命呂文仲為翰林侍讀寓直御書院以備  
顧問名秩猶未崇咸平二年七月丙午以兵侍楊徽之  
戶部夏侯嶠為侍讀學士祭酒邢昺為侍講學士班秩  
祿賜次翰林學士設直廬於秘閣侍讀更直侍講長上  
召見訪問或至中夕八月壬子賜宴秘閣帝作七言詩

景德翔鸞儀鳳閣

在後苑 景德四年三月七日曲宴後苑臨水閣垂釣登太

清樓觀太宗御書及四部羣書東至玉宸殿歷翔鸞儀鳳二閣  
命坐置酒帝作五言詩從官皆賦遂宴太清樓下 祥符九年

二月癸卯翔鸞閣觀御書聖製

歌詩箴銘贊論或刻石或題板或以朱黃書于石壁

天禧三年三月十三日曲宴後苑登翔鸞閣觀太宗御  
集聖製又御儀鳳閣作賞花釣魚詩 景祐中有瑞竹生  
閣首 熙寧七年玉華殿後作山亭一祥鸞閣一基春殿一

祥符寶符閣 感真閣 積慶殿 保寧閣

四年正月上以靈文疊降畫志欽奉欲垂訓子孫俾奉事無

意乃為誓文乙未命刻石玉清昭應宮寶符閣下七年六月  
己未名天書閣曰寶符十月戊午賜真游殿真君殿曰積慶  
庚辰詔真游殿前新閣名感真十一月癸未朔上親書玉清  
昭應宮太初積慶二殿寶符閣額填以金有司設黃麾仗奉  
以赴宮十二月丁卯對輔臣于感真閣觀刻玉天書八年正月  
壬午朔奉刻玉天書于寶符閣九年四月丁丑御書景靈宮  
天興殿保寧閣景祐二年改降真閣曰崇真仁宗召宗室侍  
臣觀燈慈聖閣

宋祁  
有詩

熙寧九年十月十五日幸開寶寺福聖

院慶壽崇因閣以閣新成也

祥符國子監御書閣

五年九月辛巳

十六日

國子監請於文宣王殿北建閣以藏太

宗御書及御製

真宗

祥瑞勤政論俗吏辯刻石明年六月

己巳命近臣臨觀上梁設宴賜七言詩又賜二帝御集

御書摹本太宗墨迹銷金扇四秘之閣上命王曾撰記

天禧天章閣

真宗

在會慶殿西龍圖閣之北

新開景暉門在右銀臺門北

東曰羣玉殿西曰

藥珠殿北曰壽昌閣東曰嘉德殿西曰延康殿天禧四年十一月壬戌詔作天章閣奉安御集十二月己巳興修五年正月十八日己亥召近臣觀天章閣興工宴承明殿三月丙子朔戊戌閣成其月庚子令有司具兩街僧道威儀教坊作樂奉御集御書

一云奉安御製七百二十卷

自玉清昭應宮安于

閣賜宴閣下四月壬戌召三司京府官詣閣觀書遂宴于

羣玉殿

一本四月十六日召近臣館閣詣天章閣下觀御書遂宴羣玉殿

時輔臣集聖製為

三百卷初輔臣以御書御製共二千卷進呈詔藏御集閣以



天章為名

以天書祥符故曰天章

又命錢惟演王曾編次然未建官也逮天

聖八年十月壬寅仁宗始置待制以范諷鞠詠為之景祐四年

三月甲戌朔又增侍講乃以崇政殿說書賈昌朝崇文院檢

討王宗道國子監直講趙希言兼侍講慶厯七年八月戊午又

置學士直學士

學士罕以命人迄仁宗世王執事一人而已政和六年九月增置直閣

天聖八

年八月丁亥觀三聖御書慶厯三年九月三日丁卯召輔臣及

御史於是閣謁太祖太宗御容觀瑞物問禦邊大畧八年三月

甲寅幸閣觀瑞物問中丞以上利病得失

詳見後

嘉祐七年十二

月二十三日丙申觀三聖御書二十七日庚子再幸觀瑞物

晏殊天章閣頌曰層觀上躋雕甍四出屹陰蚪而對負聳翔鷗之來巢迴鸞翥鳳神毫飛奮之妙相金振玉睿作溫純之式寶

題雲蔚翠軸蚪蟠承嘉號於密都揭華題於瑞日 紹興二十四年

九月己亥

二十日

詔建天章等六閣于和寧門內奉安諸閣御書御

集圖籍等十一月三日畢工

門曰  
詒謨

寶元紫微閣

元年七月庚戌作舍人院閣上親篆其榜曰紫微閣以

賜之 元祐初舍人劉攽請復舊制建紫微閣於西省  
慶元五年御書紫微閣

寶元延春閣

元年十月己丑改萬春閣為延春閣閣在禁中北臨後  
苑游幸之所經也 延春閣兩壁畫農家蠶織見于紹  
興五年三月甲午之聖訓 延春閣舊曰萬  
春寶元元年改

景祐通英延義閣

志景祐三年名崇政殿西閣曰延義西南閣曰通英

帝學

作閣字 皇祐三年名通英閣小殿曰隆儒 會要二閣在

崇政殿東西侍臣講讀之所景祐二年正月二十八日

癸丑置寫無逸篇于屏三年正月乙巳賈昌朝請輯經

筵事為一書詔以通英延義二閣記注為名九月辛卯

詔輔臣至通英閣觀講書慶厯四年通英閣出御書十

三軸凡三十五事丁度等上荅通英聖問一卷 趙師

民勸講箴肇開二閣以延儒服西臨通英北啓延義瞻

仰皇明彌綸聖智

慶厯寶文閣

仁宗

在天章閣西序羣玉藻珠殿之北即寶文閣舊曰壽昌  
閣慶厯元年改今名嘉祐七年十二月丙申幸寶文閣  
帝親為飛白書賜從臣御製觀書詩近臣皆和學士王  
珪撰詩序刊石寶文閣八年十二月乙亥詔以仁宗御  
書藏寶文閣命翰林學士王珪撰記立石

英宗御書  
附于閣

治

平三年九月丙辰幸觀御詩石刻四年二十八日乙巳  
神宗詔置學士直學士待制詔曰祖宗咸有述作煥乎

簡編河漢昭回奎壁相照乃規層宇邃在西清憲上帝  
藏書之府章累朝稽古之隆並揭嘉名以登俊望先皇  
纂御首命近列論次仁宗遺文鈔軸寶函緒錄方畢大  
訓九歌之重垂世共長廣內秘室之藏貽謀無極祇循  
故事適成先志寶文閣宜置學士直學士待制 元祐  
四年十一月以神宗御集九十卷藏寶文閣政和六年  
九月十七日增置直閣

慶厯開天章閣 十事

三年三月戊子夷簡免以得象殊為相昌朝參政弼副

樞辭之四月甲辰琦仲淹副樞已行為樞密使又親

擢修靖素襄為諫官

石介作聖德詩

七月辛未詔輔臣陳政事

及非時留對並不限時刻丁丑仲淹為參政固辭八月

戊戌詔諫官日赴內朝丁未仲淹復為參政弼復為副

樞

命仲淹主西弼主北

癸丑琦為陝西宣撫使九月丁卯召輔臣

天章閣上問禦邊大畧久之乃罷仲淹等每進見必以

太平責之再賜手詔趣使條天下事

詔曰比以中外人望不次用卿今琦

暫往陝西仲淹弼宜與宰臣得象盡心國事母有顧避  
當世急務可建明者悉為朕陳之紀長編通畧在九

月丁卯召輔臣對天章閣又開天章閣賜坐給札使疏于前仲淹弼

皇恐避席退而列奏條上十事仲淹答手詔條陳十事弼別為二策以上

一曰明黜陟十月壬戌行之二曰抑僥幸十一月癸未立試館職法丁亥減任子磨

勘任子之法僥倖之人皆不便三曰精貢舉明年三月乙亥頒條制四曰擇官長

十月丙午行之五曰均公田十一月壬辰行之六曰厚農桑七曰修武備

八曰減徭役明年五月己丑省縣邑首自河南九曰覃恩信十曰重命

令上悉用其說次第頒下唯府兵輔臣以為不可乃止歐陽集云三年秋天子開天章閣召政事之臣八



人間治天下其要有幾施於今者宜何先使坐而書以  
對於是詔書屢下勸農桑責吏課舉賢才明年三月詔  
天下皆立學八人四年五月壬戌朔琦仲淹對崇政  
蓋并樞副任中師也

殿上四策八月辛卯命參政昌朝領天下農田仲淹領

刑法事有利害悉條上之

仲淹援唐故事請以輔臣分總其務後弗果行

九月

庚午殊免甲申行為相五年正月乙酉仲淹弼罷八年

三月甲寅幸龍圖天章閣出手詔賜輔臣條畫給筆札

令即坐以對宰臣執中固辭乃聽歸上之熙寧二年

四月己亥令中書樞密院開便門通天章閣欲與兩府

坐而論道也 元豐四年十一月丁酉開天章閣對輔  
臣呈官制除目

至和寶章閣

二年六月丙申以五臺山真容院新修太宗真宗御書  
閣為寶章閣嘉祐二年二月癸亥御迎陽門召近臣觀  
御書閣榜

熙寧敕閣

會要熙寧元年二月十六日大理寺言敕閣以詳斷法

官兼監欲專差檢法官二員監之

元符顯謨閣

神宗

圖功臣

元年四月十八日丙申詔建閣藏神宗御集名顯謨建  
中靖國元年二月九日庚子

一云正月庚午

詔以顯謨閣為熙

明閣置學士直學士待制

尋復舊名

崇寧三年六月壬寅朔

詔曰神考肆筆成書表裏六經再詔纂集總九千八百  
餘篇皆文辭政事邊機之要云云其熙豐功臣圖形於顯  
謨閣政和六年置直閣

大觀徽猷閣

哲宗

二年建哲宗御書閣二月十三日甲午詔以徽猷為名  
置學士直學士待制政和六年增置直閣

紹興敷文閣

徽宗

十年建閣藏徽宗聖製五月十一日甲申詔以敷文為  
名置學士直學士待制直閣二十四年九月己巳御集  
成凡一百卷

紹興首善閣

十三年二月庚申司業高閱言辟雍御書閣名求賢徽  
宗御書今御書閣請賜名七月成賜名首善 大觀二  
年九月十九日詔諸路州學藏書閣賜名稽古

紹興六閣

見上

紹興御書秘閣 右文殿 道山堂

石渠

十三年十二月十一日詔重建秘書省十四年五月賜  
御書秘閣右文殿榜又詔將作監米友仁書道山堂榜

右文殿五間門三間殿後秘閣五間高四丈中設御坐  
御案脚踏羅帕褥御屏畫出水龍閣上木雕朱漆殿奉  
安聖政會要日歷御製御札等閣前有  
拜閣臺接右文殿閣後道山堂五楹 二十八日秘書

省復置補寫所

初熙寧七年置補寫所

以秘閣成寫校勘黃本書

籍也七月二十七日丙子幸秘閣觀御書御製淳熙五

年九月壬申幸石渠在秘閣後長五丈廣一丈五尺

乾道九年少監陳騷立 紹定五年七月重建秘閣

景定四年御書道山堂 琅函寶軸存九朝簪筆之書

金祀玉階具二聖經行之迹秘殿前臨道山後翼

淳熙煥章閣

高宗

十五年十一月九日建閣藏高宗聖製詔曰載稽帝世之隆無若堯章之煥揭名層宇列職清箱置學士直學士待制直閣

淳熙凌虛閣

二年二月庚辰宴羣臣凌虛閣下苑中又有芙蓉閣

淳熙石經閣

四年二月十九日詔建石經閣于國子監上親題額

慶元華文閣

孝宗

二年建閣藏孝宗聖製五月十五日詔曰華協堯章之  
煥文光舜哲之明恭以華文為閣名置學士直學士待  
制直閣 太微三光之庭上帝羣玉之府

嘉泰寶謨閣

光宗

元年建寶謨閣藏光宗聖製十一月十二日詔曰寶列  
義圖之秘謨新禹命之承冠以美名揭於層宇置學士  
直學士待制直閣



寶慶寶章閣

寧宗

二年建閣藏寧宗聖製十月二日甲申詔曰昭奉嚴儲與仁祖思陵圖書徽稱聯美置學士直學士待制直閣

元年十一月八日詔建定閣名

寶慶昭勲崇德閣

元年八月十五日命奉常建閣自趙普至葛邲二十有三人登繪而表異之親洒宸翰名曰昭勲崇德之閣

端平經武閣

樞密院北奉安經武要畧 御書經武之閣四大字

端平屬籍閣

大宗正司故與開元宮為隣紹定四年災寓睦親宅五年六月甲子詔以天慶坊魏王府舊址為之六年六月戒事明年端平改元八月甲子成上書屬籍之閣四大字以寵靈之

咸淳顯文閣

理宗

閣

歷代閭名

前漢

含章 麒麟 朱鳥 龍興 天祿 石渠

後魏

虹蜺 麟趾

後周

重陽

隋

巢鸞遊麟同心登春飛綺

唐

朝元降聖清暉

六朝

昭德武德重雲望仙結綺臨春麗椒

飛香招賢

丹臺新錄所載

金閣

閣

漢東閣

公孫弘傳開東閣以延賢人注師古曰閣小門也東向  
開之避庭門引賓客以別於掾史官屬 朱雲傳薛  
宣謂雲曰留我東閣可以觀四方奇士 永平初東平  
王蒼為驃騎將軍開東閣延英雄

漢黃閣

續志大尉公有黃閣主簿錄省衆事 宋志三公黃閣

前史無其義禮記士鞮與天子同公侯大夫則異鄭玄注云士賤與君同不嫌也夫朱門洞開當陽之正色也三公之與天子禮秩相亞故黃其閤以示謙漢舊制也

張起與陳公夔拜黃閤將有日月是也

通典陳三公之制開黃閤聽事

置鵠吻

一作尾

北齊三公府三門當中門黃閤設內屏黃

閤主簿掌閤下威儀

### 漢省閤

後傳東平王蒼詔讚勿名諸王入宮輒以輦迎至省閤

乃下 楊賜拜太尉中平元年被召會議詣省閣切諫  
馮豹拜尚書郎奏事未報常俯伏省閣

### 晉金光閣

晉官閣名洛陽宮有金光閣文成青陽朱明承休安樂  
白藏顯仁崇明章德飛雲安世長安閣長安有東明西  
華紫閨閣 後魏崔光乘步挽至東西上閣 北齊有  
西上閣東上閣 見通典 隋姚察授秘書丞敕於朱華閣  
長參

唐紫宸內閣

官志起居郎掌錄天子起居法度天子御正殿郎居左  
舍人居右有命俯聽退書之季終授史官貞觀初以給  
事中諫議大夫知起居注仗下議政事起居郎一人執  
筆記錄于前後置舍人分侍左右秉筆隨宰相入殿若  
仗在紫宸內閣則夾香案分立殿下直第二螭首和筆  
濡墨皆即坳處時號螭頭高宗臨朝不決事許敬宗李  
義府為相奏請多畏人知命郎舍人對仗承旨仗下與



百官皆出不復聞機政長壽中

二年正月戊申

宰相姚璩建議

仗下後宰相一人錄軍國政要為時政紀月送史官然

率推美讓善事失其實開元中

五年九月戊申

詔修史官非供

奉者皆隨仗入位即舍人之次李林甫專權又廢太和

九年詔入閣日即舍人具紙筆立螭頭下復貞觀故事

六典宣政之左曰東上閣右曰西上閣

### 唐宣光閣

李適傳擢修文館學士睿宗時待詔宣光閣列傳裴

寂視朝引與同坐入閣則延卧內 宇文士及太宗延  
入閣語或至夜分 姚崇玄宗詔五日一參入閣供奉  
蘇頲為中書舍人玄宗平內難書詔填委獨頲在太  
極後閣口所占授功狀百緒思若湧泉 諫議大夫陽  
城等伏閣極論裴延齡

淳熙清華閣

五年學士周必大對清華閣范十四年洪邁召對清華

閣



玉海卷一百六十三

欽定四庫全書

子部

玉海卷一百六十五

詳校官中書臣張經田

主事臣祁韻士覆勘

總校官進士臣朱鈐

校對官編修臣盧遂

謄錄監生臣閻崇禮

欽定四庫全書

玉海卷一百六十四

宋 王應麟 撰

宮室

樓

初學記公玉帶上黃帝明堂圖為複道上有樓從西南入蓋樓之始也其後魏有麗譙越有飛翼漢有井幹

黃帝五城十二樓 迎年

漢郊祀志太初三年東巡海上考神仙之屬未有驗者

方士有言黃帝時為五城十二樓

崑崙玄圃五城十二樓仙人之所居以

候神人于執期

地名

曰迎年上許作之如方名曰明年

言明其得延年也

上親禮祠上犢黃馬

十洲記崑崙山有十

二玉樓

周候樓

司市思次注鄭司農云次市中候樓也

又見候館

陸機洛

陽記洛陽城周公所制城上百步有一樓櫓

上林賦  
見後

孟子之滕館於上宮注上宮樓也 墨子城備三十步

置坐候樓出堞四尺百步一木樓樓前面九尺二百步  
一立樓去城中二丈五尺

### 越飛翼樓

吳越春秋范蠡為句踐立以象天門為兩螭繞棟以象  
龍角

### 魏麗譙



莊子徐無鬼見魏武侯曰無盛鶴列於麗譙之間注鶴  
列陳兵也麗譙高樓也

亦作嶠  
嶠謂華麗而  
戰樓名

### 漢井幹樓

詳見建章宮 郊祀志注在建章宮中高五十丈積木

而高為樓若井幹

音寒

之形也井幹井上木欄也其形或

四角或八角張衡兩京賦云井幹疊而百層即此樓也

太初二  
年起

西都賦攀井幹而未半目眴轉而意迷 史

記正義幹司馬彪云井欄也關中記云宮北有井幹臺

高五十丈積木為樓言築累方木轉於交架如幹

漢王女樓

見建章宮 甘延壽傳超踰羽林亭樓 趙充國傳為  
塹壘木樵校聯不絕注師古曰樵與譙同謂為高  
樓以望敵也 上林賦泰山為櫓郭璞曰櫓望樓  
也 東觀記光武至廣阿止城門樓上披輿地  
圖

魏層樓

水經注籍水即泮水也北西北角築之謂之金墉城魏文帝起層樓於東北隅晉宮閣名曰金墉有崇天堂即此地上架木為榭故曰樓南曰乾光門夾建兩觀觀下列朱桁於塹以為御路東曰含春門北有退門城上西面列觀五十步一睥睨屋臺置一鍾以和漏鼓洛陽記云陵雲臺西有金市金市北對洛陽壘又東歷大夏門下故夏門也陸機云門有三層高百尺魏明帝造門內東側際城有魏文帝所起景陽山餘基尚存

吳疑城假樓

魏志黃初五年

吳黃武三年

八月魏主御龍舟至廣陵吳安

東將軍徐盛列舟艦于江植木衣葦為疑城假樓自石頭至江乘聯綿數百里一夕而就時江水盛長魏主臨望歎曰雖有武騎千羣無所用也未可圖也

吳落星樓

吳都賦饗戎旅乎落星之樓置酒若淮泗積肴若山丘金陵地記吳嘉禾元年於桂林苑落星山起三重樓

名曰落星樓 吳紀吳有白雀樓

晉鳳皇樓 翔鳳樓 儀鳳樓

晉宮閣名洛陽有鳳皇樓總章觀儀鳳樓在觀上廣望觀之南又別有翔鳳樓又有慶雲樓伺星樓

宋慶雲樓 連理堂 嘉禾殿

南史孝武大明元年五月丙寅芳香琴堂雙橘連理改為連理堂景陽樓上梁拱間有紫氣改曰慶雲樓清暑殿西薨生嘉禾一株五莖改嘉禾殿 後周長孫儉為

荊州刺史吏民請為儉建清德樓立碑頌德詔許之

南齊却敵樓

百官志宮城諸却敵樓上本施鼓持夜者以應更唱太祖以鼓多驚眠改以鐵磬武帝登烽火樓詔羣臣賦詩漢趙充國奏曰今留步士萬人屯田地勢平易多高山遠望之便部曲相保為塹壘木樵校聯不絕便兵弩飭聞具燹火幸通勢及并力以逸待勞兵之利者也

梁北顧樓 晉北固樓

梁史武帝大同十年三月己酉幸京口城北固樓更名  
北顧初京城之西有別嶺入江高數十丈三面臨水號  
曰北固水見蔡謨起樓其上以置軍實頂有小亭梁南徐  
州刺史正義廣其路傍施欄楯上登望久之 武帝有

登北顧樓詩 柳惔和武帝登景陽樓詩 文選謝靈

運從游京口北固應詔詩 庾亮傳登武昌南樓

唐丹霄樓 丹霄殿

魏徵傳太宗宴丹霄樓

貞觀六年閏八月乙卯  
實錄云丹霄殿樓

長孫無

忌魏徵王珪等侍酒上謂長孫無忌曰魏徵王珪事隱  
太子巢刺王時誠可惡我能棄怨用才無羞古人然每  
諫我不從輒不應何哉徵曰事有不可故諫若不從輒  
應恐遂行之帝曰第別陳論顧不得耶徵曰若面從別  
論非稷卨所以事堯舜因言舜戒羣臣汝無面從退有  
後言之義帝大笑曰人言徵舉動䟽慢我但見其嫵媚  
耳通鑑貞觀六年七月辛未宴三品以上於丹霄殿



上曰四海乂安皆公卿之力勿矜強盛以自滿閏月乙

卯宴近臣於丹霄殿

在九成宮

長孫無忌曰云云

此閏八月也

會

要永徽五年秋九月乙亥高宗御丹霄樓觀三品以上

行大射禮

唐順天樓

太極宮南即承天門

李靖傳擒頡利太宗告俘于太

廟帝御順天樓陳仗衛士民縱觀

唐安福樓

鍾鼓樓

應天樓

孫樵讀開元雜報云某日百寮行大射禮於安福樓南

高宗永徽三年二月甲寅御安福門樓觀百戲乙卯

謂侍臣曰昨登樓欲觀人情風俗 玄宗開元二十二

年閏十一月壬午朔長至日食

癸未

御應天樓受朝賀

會要太和二年八月敕修安福樓 開元二十一年賜

射於安福樓下 六典皇城西面二門北曰安福 嚴

挺之傳先天二年正月睿宗

上皇

御安福樓門觀樂挺之

諫 白敏中傳為邠寧節度宣宗御安福樓以餞 儀

衛志朝日百官班于殿庭左右巡使二人分隸于鐘鼓樓下

唐神武制勝樓

舊紀神龍三年八月丙子改玄武門為神武門樓為制勝樓 會要神龍三年八月二十一日改為神武制勝樓

唐勤政樓

花萼樓

並詳見興慶宮

六典興慶宮在皇城之東南東拒外郭城東垣即明皇

潛龍舊宅開元初以為離宮宮之南曰通陽門西曰花萼樓樓之西即寧王故第蓋取詩人常棣之義讓皇帝

傳初睿宗五子列第東都號五王子宅及賜第上都隆

慶坊亦號五王宅玄宗為太子常置大衾長枕將與諸

王共之睿宗知之喜甚先天後

開元二年九月

盡以隆慶舊邸

為興慶宮而賜寧王薛王第於勝業坊申岐二王居安

興坊環列宮側天子於宮西南置樓西曰花萼相輝之

樓南曰勤政務本之樓

一本作開元二年七月於是宮置樓韋述東京記開元八年造

二樓帝時時登之聞諸王作樂必召升樓與同榻坐或就

幸第賦詩燕嬉賜金帛侑歡諸王五日朝側門既歸則

具樂縱飲擊毬聞鷄馳鷹犬為樂如是歲月不絕世謂

天子友悌古無有者帝於敦睦蓋天性然

十六年正月庚申御興慶

宮樓宴羣臣

會要二十五年玄宗戒諸王曰吾奉先帝宮室

不敢有加興慶創制所以表休徵之地

謂宮側小池有龍祥也

新

作南樓本欲採風謠察眊俗是亦闢四門達四聰之意

時有宴樂不徒然也又因大哥

寧王

遜朱邸以成花萼相

輝之美歷觀自古聖王有所興作所以助教化也吾所

冀者式崇教化漸漬薄俗令其人信厚爾二十年六月

一本作天寶十三年六月 開元二十六年此是出處不同非誤

入芙蓉園十二月三日毀東市西北角道政坊西北角

以廣花萼樓

二十八八年八月己未誕日宴花萼

天寶二載帝御花萼樓

覆實選人判八等人中纔十二 突厥傳天寶四載殺

白菑可汗以獻毗伽可汗妻率衆自歸天子御花萼樓

宴羣臣賦詩美其事 紀天寶十三載五月壬戌觀酺勤

政樓北廷都護程千里俘阿不思以獻 選舉志十月一

日御勤政樓試四科舉人

楊綰及第

策外吏試詩賦各一道

制舉試詩賦自此始

登科記開元十三年進士試花萼樓賦

樂志玄宗教

舞馬百匹舞於勤政樓下後賜宴設醑亦會勤政樓

高仙芝傳安祿山反榮王為元帥仙芝副之玄宗御勤

政樓引榮王受命宴仙芝以下

哥舒翰傳守潼關御勤

政樓臨送

玄宗大陳樂勤政樓盧綸按轡絕道去帝美其有蘊藉

五行志肅宗乾

元二年十月詔百官上勤政樓觀安西兵赴陝州 實錄

穆宗元和十三年八月乙亥御勤政樓問人疾苦 會要

元和十四年三月詔左右軍容各以官健三千修勤政

樓

四年乙卯御閣陳雜樂

太和三年十月修勤政樓明光樓 舊

史明皇八月五日生因名其日為千秋節燕百僚於樓

下觀舞傾盃開元二十五年正月己丑以望日宴羣臣

八月丁未千秋節宴羣臣二十八年正月壬寅望日御

樓宴羣臣天寶元年正月丁未朔御樓受朝賀改元四

載三月甲申宴羣臣七載五月壬午御樓大赦十三載



三月壬戌御樓大酺十四載三月丙寅宴羣臣奏九部

樂上賦詩效柏梁體八月辛卯宴羣臣

並於勤政樓

開元十

七年八月癸亥以誕日張樂宴百寮於花萼樓下十

八年四月丁卯侍臣宴于春明門外寧王憲之園池上

御樓邀其回騎八月丁亥千秋節百官獻賀上御

樓賦八韻詩又制秋景詩二十八年正月壬寅望

日宴天寶元年九月辛亥御樓宴突厥降者

毗伽可汗

妻一云辛卯

十月庚辰宴蕃客

並於花萼樓

李庚西都賦

對里開街帝宅王家青門列檻常棣分華勤政外  
名花萼分題屹雲中而佩鳳杳天外而舒蛻家人  
齒筵愉愉濟濟此王者示悌也

又見後

高蓋花萼

樓賦開元中築長安東郭起樓瞰於外銀榜天題  
金扉御闕望馳道而通禁林走建章而抵長樂攢  
畫拱以交映列綺牕以相薄金鋪珠綴飛梁迴遠於虹  
光藻井倒垂乎蓮萼王諲賦朝有土階之約宮靡瑤  
臺之奢飾舊館而納景建飛觀而臨霞非徒擬花萼之

麗蓋取諸棠棣之華歸梁國於上苑通代卽於平樂于  
城之陬建此飛樓橫邈迤而十丈上峻嶒而三休仰接  
天漢俯瞰皇州榜題仲將之手頌登文公之賦宮闕超  
遙其若浮 陶舉賦睦親親以相及樂韓韓以同華

敬括賦羅綵仗駐鳴騶開繡戶之銀鑲卷珠簾之玉鉤  
奉常陳百戲之樂大官進千鐘之酒虹梁蚺蜺而霞艷  
皓壁晶晃而月素 張甫賦陰移翠仗日上金題欽其  
號則知昆弟之相穆見其儀則知君臣之有序

唐丹鳳樓

舊紀開元九年九月丁巳御丹鳳樓宴突厥首領至德  
二載十一月壬申御丹鳳樓下詔十二月戊午赦天下

又見後

元和元年正月丁卯御丹鳳樓大赦改元二年正

月辛卯郊祀御丹鳳樓大赦三年正月癸巳十四年七  
月己丑冊號十三年正月乙酉朔受朝十五年二月丁  
丑穆宗即位並御樓大赦長慶元年正月辛丑郊祀改  
元七月己酉冊號大和元年正月乙巳改元會昌元年

正月庚戌大中元年正月戊申享圓丘並御丹鳳樓大赦  
會要貞元九年十一月乙酉日南至上郊祀禮畢  
御丹鳳樓大赦天下 通典開元十八年蘇祿使至

京師上御丹鳳樓設宴時突厥使同宴爭長 開元七

年三月壬子御丹鳳樓宴九姓同羅契丹各賜物八年

十一月己巳宴九姓蕃安等九年四月戊辰宴王峻郭

知運等皆御丹鳳樓 含元殿賦其南則丹鳳啓途遐

矚荆吳十扇開閉陰陽睚眦容鼎七局方駕五車示王

者之無外不樹屏於清都

唐廣達樓

東都

萬歲樓

王君奭傳開元十四年君奭破吐蕃奏凱還玄宗宴君

奭及妻夏於廣達樓賜金帛

夏亦自以戰力封武威郡夫人

實錄開

元二十四年八月壬子千秋節御廣達樓宴羣臣奏九

部樂內出舞人繩伎頒賜有差

文苑英華李濯廣達

樓賦建崇樓於闕下聳飛閣於城隅德陽傍倚少室前

瞻讓皇帝傳玄宗按舞萬歲樓從複道見衛士弃食

帝怒詔殺之憲從容曰豈以性命輕於餘殮乎

唐五鳳樓

東都

通鑑開元二十三年正月乙亥上耕藉田都城酺三日  
上御五鳳樓酺宴元德秀傳為魯山令玄宗在東都  
酺五鳳樓下命三百里內縣令刺史各以聲樂集且第  
勝負加賞黜河內太守輦倡伎數百被錦繡環謫光麗  
德秀惟樂工數十人聯袂歌于為于為者德秀所為歌  
也帝聞異之嘆曰賢人之言哉謂宰相曰河內人其塗

炭乎乃黜太守德秀益知名

唐觀風樓

會要華清宮天寶八載新作觀風樓 舊紀四月作十  
載十一月丙午冬至十三載正月丁酉朔御觀風樓受  
朝賀

唐鬱儀結鄰樓

長安志在東內大明宮李肇韋執誼所記書為結麟

恐誤

麟德殿東廊有鬱儀樓西廊有結儀樓學士院即在西



樓重廊之外 六典作鬱儀結鄰閣 七聖記曰鬱儀

一作華赤文與日同居結鄰一作麟黃文與月同居鬱華日

精結鄰月精也黃庭經曰鬱儀結鄰梁丘子注曰鬱儀  
奔日之仙結鄰奔月之仙亦見登真隱訣九真中經

唐結綺樓

見三殿

唐弘文館書樓

見後

唐長慶樓

詳見興慶宮

上皇居興慶宮每置酒長慶樓南俯大道裴回觀覽父老過之皆拜舞而去

唐金明樓 明光樓

肅宗乾元元年八月甲辰上皇誕日於金明樓

在興慶宮宴

百官賜綵五百匹 冊府元龜元和三年十月修南內

殿十三間塙舍共一千六百間及勤政樓明光樓

會要同

唐望春樓

在禁苑東南高原之上 德宗紀建中二年二月丁巳

發兵屯關中誓師于望春樓 陽惠元傳為京西神策

兵馬使鎮奉天德宗初立稍繩諸節度跋扈者於是李

正己屯曹州田悅增河上兵河南大擾詔惠元移兵萬

二千戍關東御望春樓誓師因勞遣諸將

亦見廣  
運潭

姚

南仲傳王者必據高明燭幽隱先皇所以因龍首而建

望春也玄宗時韋堅鑿池於望春樓以聚舟帝升樓觀

賜名廣運潭 郭子儀傳乾元元年

七月

破賊河上執安

守忠以獻遂朝京師百僚班迎帝御望春樓待之

劉憲和春幸望春宮詩有商山積翠涯水浮光之句即望春亭也舊紀多云望春宮其東正臨涯水

唐延喜樓

又見門  
闕類

會要貞元四年十月二十五日戶部侍郎班宏修延喜樓築夾城五年正月十九日宏又修玄武樓八年正月新作玄武門及廡會鞠場

宣宗事  
見下

唐望仙樓

會要貞元十二年八月六日戶部尚書裴延齡奉敕修

望仙樓十三日又令築望仙樓東夾城

元龜云十二年八月增修望仙

樓及廣夾城及十六王宅

會昌元年六月修望仙樓及廊舍共五百

三十九間

武宗紀會昌五年六月甲申作望仙樓于

神策軍

先是作望仙觀仙臺

連昌宮辭上皇正在望仙樓

大明宮東曰望仙門

含元殿賦望仙闕於吳

維

唐宸輝樓 紫雲樓

舊史

兼用會要

元和二年六月丙子詔左神策軍新築夾城

置元化門晨輝樓

舊紀云宸輝十五年穆宗幸晨輝樓觀角抵戲

大和九年七

月庚戌敕造紫雲樓彩霞亭於曲江芙蓉園北垣九月

內出新造紫雲樓彩霞亭額以鼓吹迎於銀臺門左右

軍奏修曲江樓畢進圖一軸十月詔左右軍各一千五

百人建紫雲樓十二月甲申罷修曲江亭館

大和八年三月甲寅

上日賜羣臣宴曲江亭

文宗嘗味杜甫曲江詞有宮殿千門語意

天寶時環江有觀榭臺室會鄭注云秦雍災當興役厭

之

九年正月辛卯

即語兩神策治曲江昆明池

二月詔修葺曲江芟除裁填九

月發神策一千五百人修浚

實錄元和二年七月丁亥御晨耀樓

神策神威六軍内外教坊大合樂

康駢劇談錄曰曲

江池本秦時隄州唐開元中疏鑿為勝境南即紫雲樓芙蓉苑西即杏園慈恩寺

### 唐興安樓

大明宮西門

憲宗御興安樓受俘元和元年俘劉闢

二年俘受李錡十二年受吳元濟俘十四年李師道俘

文宗太和三年受滄州俘 武宗會昌四年受劉稹俘

唐拾翠樓

西京記大福殿重樓連閣縣亘西殿有走馬樓南北長百餘步樓下即九仙門西入苑拾翠樓在大福殿東北

唐浴日樓

韋述兩京新記上陽宮有麗青臺浴日樓

唐春明樓

韋肇駕幸春明樓試武藝絕倫賦



唐籌邊樓 山川險要圖

李德裕傳文宗太和中

四年十月戊申

自兵部侍郎為劍南西

川節度蜀自南詔入寇敗杜元穎而郭釗代之病不能  
事民失職無聊李德裕至則完殘奮怯皆有條次成都  
既南失姚協西亡維松由清溪下沫水而左盡為蠻有  
始韋臯招來南詔復雋州傾內資結蠻好示以戰陣文  
法德裕以臯啓戎資盜養成癰疽第未決耳至元穎時  
遇隙而發故長驅深入蹂剔千里蕩無孑遺今瘡痍尚

新非痛矯革不能刷一方耻乃建籌邊樓

孔明有籌筆驛按南

道山川險要與蠻相入者圖之左西道與吐蕃接者圖之右其部落衆寡饋餉遠邇曲折咸具乃詔習邊事者與之指畫商訂凡虜之情偽盡知之又料舊獠與州兵之任戰者廢遣獐耄十三四士無敢怨又請甲人於安定弓人河中弩人浙西由是蜀之器皆犀利率戶二百取一人使習戰貸勿事緩則農急則戰謂之雄邊子弟其精兵曰南燕保義保惠兩河募義左右連弩騎士曰

飛星驚擊奇鋒流電霆聲突騎凡十一軍築仗義城以制大度清溪關之阻作禦侮城以控柴經犄角勢作柔遠城以阨西山吐蕃復叩岷關徙舊州治臺登以奪蠻險於是二邊浸懼南詔請還所俘略四千人吐蕃維州將悉怛謀以城降初廣德建中間吐蕃再飲馬岷江常以南詔為先鋒操倍常之戟且戰且進蜀兵折刃吞鏃不能斃一戎戎入日深蜀人語曰西戎尚可南蠻殘我至韋臯鑿青溪道以和羣蠻使道蜀入貢擇子弟習

書策成都業成而去習知山川要害文宗時大入成都  
自越雋以北八百里民畜為空自是羣蠻常有吞蜀之  
心

唐親親樓

舊紀宣宗大中元年七月修百福殿成名曰雍和樓曰  
親親以會諸王子孫 通鑑大中元年八月作雍和殿  
於十六宅數臨幸置酒作樂

唐敬武樓

會要大中二年正月敕修右銀臺門樓屋宇及南面城牆至散武樓

唐延喜樓

又見前

宣宗大中三年八月己丑既復河湟河隴高年千餘見闕下天子為御延喜樓賜冠帶

唐明義樓

會要大中五年詔修明義樓

在興慶宮

乾德紫雲樓 明道昇平樓

會要廣政殿後有玉華殿東有紫雲樓明道元年十月

改曰昇平樓宮中觀宴之所 乾德四年八月辛丑

九日

召宰臣以下翰林學士竇儀知制誥王祐等宴紫雲樓

下論及民間事謂趙普等曰下愚之民雖不分菽麥如

藩侯不為撫養務行苛虐朕斷不容之普等曰陛下愛

民如此堯舜之用心也

富弼曰斯言一傳天下聳動皆以民政為務致太平之本也

會要云元年令從實錄長編

是年五月庚寅

二十七日親試制舉人于紫

雲樓下賜酒食遣之是日與學士陶穀論前代帝王得

失日晡乃罷樓在廣政殿之後玉華殿之東每大宴

則宮中登而觀焉

廣政後  
改集英

西京含光殿東廊後亦有

紫雲樓正殿曰太極殿前有日月樓日月華門

### 開寶五鳳樓

開寶八年十月丁巳修西京宮室九年四月三日庚子

合祭圓丘御五鳳樓肆赦

制云御鳳  
闕揭難竿

西京大內正南

門曰五鳳樓國初建名景德四年二月十七日御五

鳳樓觀酺

祥符四年三月丁亥祀汾陰回駐蹕將賜

酺有司請改五鳳樓名上曰太祖建樓因瑞應建名不

可更也已丑

十六日

上御五鳳樓觀酺三日梁周翰有

五鳳樓賦

乃東京也

太平興國丹鳳樓端拱樓

興國三年十一月乙未親享太廟丙申合祭南郊御丹鳳樓大赦受冊尊號於乾元殿始奉太祖升侑殿直王  
棟獻南郊頌先是七月庚戌改明德門為丹鳳  
五年五月丁卯作端拱樓



咸平太清樓

建隆三年五月戊午重修東京大內崇政殿西北迎陽門內有後苑苑有太清樓走馬樓與延春儀鳳翔鸞閣相接貯四庫書樓下設六閣經史子集天文圖書咸平三年閏三月甲午詔三館寫四部書一本來上當置禁中太清樓以便觀覽景德元年三月丁酉直秘閣黃夷簡上校勘所寫御書二萬四千一百六十二卷四年三月乙亥曲宴後苑又登太清樓觀太宗聖製御書

及新寫四庫羣書遂宴太清樓下上執目錄令黃門舉  
書示之總太宗御製及故事墨迹三百七十五卷文章  
九十二卷經庫二千九百一十五卷史庫七千三百四  
十五卷子庫八千五百七十一卷上曰惟以正經史屢  
經校定者小說他書不預甲寅射於樓下 大中祥符  
二年正月七日賜射太清樓下七年三月癸巳登太清  
樓觀書十月丙寅射于太清樓下作詩賜宗室 天禧  
二年十一月十三日辛未召近臣觀書太清樓 天聖

二年八月十三日宴宗室太清樓三年三月癸卯四年  
四月己酉五年三月辛亥六年三月七年閏二月戊午  
八年三月宴射太清樓九年三月十七日甲子宴從臣  
太清樓九年閏十月戊辰召近臣觀書太清樓召太子  
太保晁迥預 景祐二年六月辛未十月戊午宴太清  
樓三年十月戊申幸後苑宴太清樓 寶元二年十一  
月六日癸巳以皇子生宴輔臣宗室太清樓讀三朝寶  
訓賜御書又出寶元天人祥異書示輔臣 慶厯四年

九月丁亥宴宗室太清樓射于苑中五年九月九日辛卯宴近臣宗室太清樓命賦詩六年九月十八日乙未宴近臣太清樓嘉祐六年三月戊申宴太清樓出御詩一首命從臣和太清樓藏太宗御製及墨跡石本九百三十四卷軸四部羣書三萬三千七百二十五卷其後羣書增及一萬一千二百九十三卷太宗御集御書又七百五十三卷即景德四年三月己亥率從臣登樓所觀西京天福殿之次有樓後唐

曰絳霄太平興國三年改為大清樓寢殿曰大清

咸平屬籍樓

咸平二年正月甲申建屬籍樓藏宗籍

祥符迴鑾覃慶樓 升中延福樓 告成均慶樓

祥符元年十月丁巳名兗州府門樓曰迴鑾覃慶十一月己未御樓觀酺癸亥次鄆州乙丑宴從臣于升中延

福樓賜酺丁卯賜名己巳次濮州宴從臣父老子告成

均慶樓四年二月乙丑二十一日駐河中府御樓觀酺賜名

駐驛宣恩一作詔蹕三月二十六日駐鄭州酺宴先是己丑

名樓曰回鑾慶賜壬辰尋罷宴乙亥祠汾陰回次陝州御南門樓宴從臣父老

賜名需澤惠民樓七年正月己酉名南京正門樓曰重熙頒慶

亳州樓曰奉元均慶庚戌御奉元均慶樓觀酺辛亥宴

父老丙辰御重熙頒慶樓觀酺

祥符薰風樓

河中府市中樓唐廣明中王重榮誓衆于此名為克復  
祥符四年二月上幸河中曰克復一時事不若因舜都  
為號丁卯乃賜名薰風樓命陳堯叟為記甲子次河中  
府幸紫極宮還召從臣登逍遙樓觀唐帝詩石又登白  
樓觀令狐楚登白樓賦王祐詩上作登逍遙樓詩賜從  
臣

熙寧寶津樓

熙寧三年四月三日幸金明池觀水嬉移幸瓊林苑登

寶津樓宴從臣教坊作樂

宋朝聚遠樓

德壽宮太上名曰聚遠自題額大書蘇軾詩於屏

歷代樓名

前漢

開襟井幹

六朝

鳳凰入漢落星北顧青雲朝日



夕月 景雲 景陽 麗日

後魏

玄武

北齊

逍遙 披雲 鸚鵡 鴛鴦 萬歲 千秋

玄武

隋

朝日 明月 乘雲 照日

唐

花萼相輝

勤政務本

明義

明光

觀風

制勝

延喜

玄武

望仙

宸輝

安福

紫雲

親親

散武

五代

玄武

三十六國

凌霄

玉海卷一百六十四